



## Տ. ՏԻՐԱՆ ԱՐՔԵՊ. ՆԵՐՍՈՅԱՆԸ ՄԱՅՐ ԱԹՈՌՈՒՄ

Հոկտեմբերի 7-ին, երկուշաբթի օրը, երեկոյան ժամը 20-ին, Վեհափառ Հայրապետի հրավերով, ուխտավորաբար ԱՄՆ-ից Մայր Աթոռ ժամանեցին տ. Տիրան արքեպ. Ներսոյանը և ԱՄՆ-ի հայոց արևելյան թեմի առաջնորդ տ. Թորգոմ արքեպ. Մանուկյանը:

Սրբազան հայրերին օղանավակայանում դիմավորեցին Մայր տաճարի լուսարարապետ տ. Հուսիկ եպս. Սանթրոյանը, տ. Արիս եպս. Ծիրվանյանը և Սարգիս սարկավագ Սարգսյանը:

Մայր տաճարում իրենց ուխտ ու աղոթքը կատարելուց հետո, սրբազան հայրերը Վեհարանում ներկայացան Ամենայն Հայոց Վեհափառ Հայրապետին և ջերմ գրույց ունեցան Նրա հետ:

Տ. Տիրան արքեպ. Ներսոյանը մեկ ամիս մնալով Մայր Աթոռում, երկուշաբթի, չորեքշաբթի և ուրբաթ օրերին, Ամենայն Հայոց Վեհափառ Հայրապետի կարգադրությամբ, Վեհարանում դասախոսության ձևով սեմինար պարապմունքներ անցկացրեց Մայր Աթոռի երիտասարդ միաբանների հետ՝ «Մարկոսի Ավետարանի մեկնությունը» ընդհանուր թեմայով:

Դասախոսությանը ներկա էր նաև Վեհափառ Հայրապետը:

Այնուհետև տ. Տիրան արքեպ. Ներսոյանը Արարատյան թեմի առաջնորդական փոխանորդ տ. Կոմիտաս արքեպ. Տեր-Ստեփանյանի հրավերով հոկտեմբերի 20-ին ս. պատարագ մատուցեց Երևանի ս. Սարգիս առաջնորդանիստ եկեղեցում և հոգեշունչ քարոզ խոսեց՝ «Հոգի Տեսուն ի վերայ իմ, վասն որոյ և էօծ իսկ զիս. անտարանել աղքատաց առաքեաց զիս: Զարոգել գերեաց զթողութիւն և կուրաց տեսանել, արձակել զվիրաւորս ի թողութիւն» (Ղուկ. Դ 18) բնաբանով:

Հավարտ ս. պատարագի բազում հավատացյալներ ս. հաղորդություն ստացան:

Տ. Տիրան արքեպիսկոպոսի՝ Մայր Աթոռում գտնված օրերին տեղի ունեցավ մեր սիրելի Տիրամոր մահը: Հոկտեմբերի 9-ին տ. Տիրան սրբազանը նախագահեց Տիրամոր հուղարկավորության և թաղման արարողություններին և իր հուզիչ դամբանականով հանգամանորեն բնութագրեց հանգուցյալ Տիրամորը՝ որպէս հավատացյալ հայ կնոջ, ուսուցչի և Հայոց Հայրապետի մոր:



Այնուհետև տ. Տիրան արքայանը Մայր Աթոռում գտնված օրերին իր ներկայությամբ և ընկերակցությամբ ափովեց Հայոց Հայրապետի վշտակիր սիրտը:

Ապա Թիրակի թեմի առաջնորդ տ. Նարեկ եպս. Ծաքարյանի հրավերով հոկտեմբերի 26—28 օրերին տ. Տիրան արքեպ. Ներսիսյանը ուխտավորաբար գտնվեց Թիրակի թեմում:

Հոկտեմբերի 27-ին, կիրակի օրը, Գյում խաչի տոնի ափիով, ս. Աստվածածին առաջնորդանիստ եկեղեցում տ. Տիրան արքայանը պատարագեց և հաշար տ. պատարագի քարոզեց՝ շեշտելով հավատացյալների կյանքում խաչի խորհրդի հոգևոր ու քարոշական նշանակությունը:

Արքայան հայրն այցելեց նաև Հատիճայի և Մարմաշենի պատմական վանքերը և եղավ Կիրովականի ս. Հարություն եկեղեցում, ուր արքայան հորը ջերմորեն ընդունեցին տ. Վազգեն քհն. Կարապետյանը և տ. Զավեն քհն. Մոսկովյանը:

Հոկտեմբերի 30-ից մինչև նոյեմբերի 1-ը Վեհափառ Հայրապետը և տ. Տիրան արքեպ. Ներսիսյանը մի քանի օրով հանգստանալու մեկնեցին Դիլիջանի «Լեռնային Հայաստան» առողջարան:

Նոյեմբերի 2-ին Վեհափառ Հայրապետը և տ. Տիրան արքեպ. Ներսիսյանը այցելեցին Բյուրական, «Հայկաշեն» հայրապետական ամառանոցը: Նրանց ընկերակցում էին տ. Արիս եպս. Թիրվանյանը և Մայր Աթոռի գլխավոր ճարտարապետ Արծրուն Գալիկյանը:

Նոյեմբերի 8-ին Վեհափառի սեղանատանը տրվեց ողջերթի ընդունելություն-ճաշկերույթ՝ ի պատիվ տ. Տիրան արքեպ. Ներսիսյանի:

Ողջերթի սույն ճաշկերույթին ներկա էին տ. Հուսիկ եպս. Սանթրույանը, տ. Տիրայր եպս. Մարտիկյանը, տ. Հմայակ եպս. Ինդրյանը, պրն. Գրիգոր Խանջյանը և պրն. Պարզև Ծահրազյանը:

Վեհափառ Հայրապետը բաժակ բարձրացրեց տ. Տիրան արքեպ. Ներսիսյանի կենացը՝ հայտնելով իր գոհունակությունը նրա՝ Մայր Աթոռում գրտնըվելու կապակցությամբ, և բարի ճանապարհ մաղթեց նրան:

Տ. Տիրան արքեպ. Ներսիսյանը պատասխան խոսքով իր խորին շնորհակալությունը հայտնեց Հայոց Հայրապետին՝ ջերմագին ընդունելության և սիրավիր հյուրասիրության համար:

Նոյեմբերի 10-ին տ. Տիրան արքեպ. Ներսիսյանը, հրաժեշտ տալով Հայոց Հայրապետին և Մայր Աթոռին, մեկնեց լավագույն տպավորություններով:

Տ. Տիրան արքայանի ճանապարհեցին Մայր տաճարի լուսարարապետ տ. Հուսիկ եպս. Սանթրույանը, Սարգիս սրկ. Սարգսյանը և Արտաշես սրկ. Մուշեղյանը:

ԳՐԻԳՈՐ ՍՐԿ. ՔԵՇԻՇՅԱՆ

